

Johannes Freder

**ILLVSTRISSIMIS || PRINCIPIBVS AC DO=||MINIS, D. IOHANNI AL=||BERTO ET D.
VDALRICO,|| FRATRIBVS, DVCIBVS MEGAPO=||LENSIBVS, PRINCIPIBVS
GENTIS || HENETAE, COMITIBVS SVERINI, DOMINIS || Rostochij ... Urbem suam
|| Rostochium facta pace ingredientibus || PANEGYRIS || SCRIPTA || A ||
IOHANNE FREDERO.||**

Rostock: Stöckelmann, Johann und Gutterwitz, Andreas, 1574

<http://purl.uni-rostock.de/rosdok/ppn1000471268>

Druck Freier  Zugang






MK
1302

MK - 1362

<16. Jh.>

Universitäts-
Bibliothek
Rostock



ILLVSTRISSIMIS
PRINCIPIBVS AC DO-
MINIS, D. IOHANNI AL-
BERTO ET D. VDALRICO,
FRATRIBVS, DVCIBVS MEGAPO-
LENSIBVS, PRINCIPIBVS GENTIS
HENETAE, COMITIBVS SVRINI, DOMINIS
*Rostochij & Stargardiae, Urbem suam
Rostochium facta pace ingredientibus*

PANEGYRIS

SCRIPTA

A

IOHANNNE FREDERO.



ROSTOCHII
IN OFFICINA IOHANNIS STOCKELMAN
& Andreae Gutterruitz.

ANNO M. D. LXXIII.



P A N E G Y R I S.



PLENDIDA conueniunt patriæ fir-
mantia pacem

Lumina, quæ patriæ cura salutisq; suæ.
Omnia lætitiã præ se iam ferre vi-
dentur,

Omnia gratantes iam resonare modos.

Ipsa adeo cœli facies & gratia plaudit,

Et tempestates aura serena fugat.

Est sine nube dies, frenant sua murmura Cauri,
Splendidus nitido Phœbus ab axe micat.

Musa veni, mihi Musa faue, si læta dedisti
Vnquam plectra, modò suffice læta mihi.

Nos quoq; sincera colimus, qui mente Camœnas
Pro pacis gratos iam decet esse bono.

His quæ vidi oculis, quæcunq; his auribus hausi,
Fas mihi sit lætis commemorare modis.

Tempus erat quando pulsus Aurora tenebris,
Aurea fert nitidum Solis ab orbe diem.

Fulgidus Eöo cum primùm Pegasus ortu
Andromedæq; suum protulit orta caput.

Tum viridi gestans oleæ de fronde coronam
Candida Pax soluit talibus ora sonis.

Carminis ò auctor Phœbe, ò Heliconis alumnae,
Vos memores vestri muneris esse decet.

A 2 Lumi-

Lumina conuenient patriæ clarissima terræ,
Et mea firmabunt iura meumq; decus:
Præbetvbi hospitium Christo vobisq; benignum,
Vrbs de fragranti nomen adepta rosa.
Scitis vt antè ferox steterit Bellona flagello
O nimum vestris insidiosa choris.
At celebranda Patrum patriæ Clementia vestris
Attulit optato tempore rebus opem.
O igitur dignos æterna laude, togatas
Qui laudes armis antetulere suis.
Excipite Heroes gratanti carmine, fulgent
Splendida qui vestri fama salusq; chori.
Sic ait & suauem latè diffundit odorem:
Cui tales retulit lætus Apollo modos:
O Pax alma poli terræq; marisq; voluptas,
Qua nihil vberius vesper & ortus habent.
Me nuper Charites eadem petière: repulsam
Nec patientur eæ, tu patière minus.
Huc legârat eas Academia grata Rosarum
Vrbis, Vandalici fama decusq; soli.
Non audire decet nos surdis auribus illas,
Nec tibi nos surdis auribus esse decet.
Officij memores cantabunt ordine Musæ,
Et facient grata carmina grata lyra.

Apol



A P O L L O.



Vsæ noster amor, soboles generosa Tonantis,
Magnificas grato laudes & maxima summi
Carmine facta DEI nos Heroumq̃, potentum
Decantare decet: linguis animisq̃ fauete.

C L I O.



Nte DEI solium niueo Sapiaentia vultu,
Assistit cum Iustitia, quæ cuncta gubernant:
Aureaq̃, in terris certo dant ordine scepra
Principibus, quorum cultas sapientia mentes
Iustitiæq̃, armat Maestas inchyta dextras,
Magno magna gerant vt pectore munia Regis,
Qui mare, qui cælos, qui terras numine complet.
Quo duce diuinos veræ Pietatis honores
Amplificant, vitæq̃, oculos fontesq̃, bonorum
Ingenuas pulcris seruant virtutibus artes
Atq̃, suos patria populos bonitate tuentur.
Talibus Heroes meritis illustribus aucti
Vos stirps orta duces alto de sanguine Regum,
Vos decus Heruleæ vos splendida lumina gentis,
Clementes Patriæ Patres, vos viuida virtus
Ingenij ingenuas ad doctæ Palladis artes
Me duce aeduxit, Vestram sapientia mentem

A 3

Munit

Munit, Iustitiæ vos laudibus euebit ardor.
Vos ego perpetuò gratis celebrabo Camænis,
Vos adeo in media nos tempestate benigno
Exceptas vestra fouistis in vrbe Rosarum
Hactenus hospitio constanter, nosq; fouere
Perpetuò summum patriæ decus esse videtis,
Et munus patriæ verè laudabile patrum.
Ergo vestra etiam nostro Clementia fecit
Hospitio dulcis dulcissima gaudia Pacis:
Qua nihil vberius nil dulcius emicat orbi
Solis ab occasu, melius nil, solis ad ortum.
Ergo **PRIBISLAVM** grato ceu carmine Regem,
Ducitis vnde genus, cuncto memorabimus æuo,
Condidit auspicijs hanc qui felicibus urbem:
Sic bene apud memores vestri stat gratia facti.
Herculeum **HEROES** animum, cor Nestoris ipse
Dat Deus, & magni generosum robur Achillis,
Pectoraq; in bello vobis fortissima, vobis
Charior eximio tamen est Pax alma triumpho,
Vos exempla sequi maiorum illustria lætæ
Conspicimus, quorum virtus & facta fidesq;
Et merita in patriam decus immortale merentur.
Quos ego post, **MAGNOS** virtute & nomine magnos
HENRICOSq; patres patriæ, Albertosq; potentes,
Et vos magnanimos celebrabo carmine grato
HEROES nulli veterum virtute secundos.

E V T E R =

E V T E R P E

C Andida Relligio, præstans animus, sacriq̄ iuris
Cultus, Benignitasq̄ Principem ornant
Rectius, ac fulgens aurum, Syrij iubar vel ostris,
Tyrinthij vel stemma opesue Cræsi?

Rectius exornant certè laudemq̄ veriolem
Merentur & verè genus celebrant.
In laudes igitur vestras ò Principes sonora
Lyræ mouemus iure plectra nostra.
Vos Pietas decorat dans vobis non è caducis
Sed floribus perennibus coronam.

Vos præstans animi virtus, vos excitatoris
Acumen ingeni scientiæq̄
Vos iubar Astræe vos alma laus benignitatis
Commendat & DEO vos æquat almo.
Non vobis illustre genus celebris aut auorum
Sanguis deest imaginesq̄ celsæ.

Quas ego linquo tibi soror optima versibus canoris
Thalia, quas te persequi decebit.
Ipsa aliàs alijs quoq̄ carminibus canam celebres
Origines Ducum & præclara facta:
Inter quæ fulget cælo velut Hesperus sereno
Horum decus, qui Musas huc vocârunt.

Varnus vbi magno Oceano miscetur & Rosarum
Vrbem alluit, rigatq̄ prata letus.

PRINCIPIS officium est vt sit nutritius scholarum:
Expers scholarum vita, vita non est.

Thalia

T H A L I A.

Splendida quæ fulgēt Insignia, carmine pandā,
Heroum patriæ Marte togaq̄ patrum:
Emicat Heroo quorum clementia vultu,
Et columen nostri præsidiumq̄ chori.
Et virtutis amor Pietasq̄ paterna fidesq̄,
Et iunctum augusta cum Gravitate decus.
Heruleæ æternum iubar illi & gloria terræ,
Stirps quibus à summis regibus orta nitet.
Magnus Alexander caput extitit orbis: ab illo
Regia Bucephali frontis origo venit.
Cuius magnanimus bello insuperabilis Heros,
Maximus Anthyrius Duxq̄ comesq̄ fuit.
Is decus Heruleæ primænaq̄ stirpis origo
Imperio tenuit Balthica rura suo,
Balthica regantem Cimbro in littore Thetys
Conspexit: quorum fama q̄ lausq̄ viget:
Quà iubar Oceano profert, quà contrahit umbras,
Et quà purpureis Sol iuga demit equis.
Fortibus hæc armis gens inçlyta, fortibus ausis,
Transijt in fines Itala terra tuos.
Et Romana suis armis exercuit arma:
(Testis erit Tybris, testis Iberus erit)
Atq̄ caput vexit vexillo nobile tauri,
Martia qui forti cornua fronte gerit.

Arduus

*Arduus huic astat G R Y P H I S, cui lumina fulgent
Ignea, quiq̄ refert alitis ora Iouis.
Candor inest, alis, exornat purpura pectus,
Cæruleus vestit colla animosa decor.
Robur habent unguis ad vim bellumq̄ parati,
Si vim, si bellum tempora resq̄, velint.
Talia virtutes comitata insignia belli,
Talia magnorum sunt monumenta Ducum:
Scilicet Heroum felici Marte potentum
Immortale manet fortia facta decus.
In medio CLYPEVS pulcro cœlamine fulgens
Ancilis lapsi cœlitus instar adest.
Hinc velut è cœlis sacrato DEXTERA peplo
Cincta nitet, factis glorificata suis.
Quin etiam dextræ celebris virtute, tenetur
Aureus in digitis ANNVLVS orbe teres.
Qui (si sacralicet mysteria pandere) præter
Cætera, perpetuò quòd meditemur habet.
Testis enim signumq̄ D E I bonitatis amorisq̄
Et fidei & fidi fœderis esse potest.
Splendidus vt puro gemmam tenet annulus auro,
Ipsaq̄ forma velut fulgida fine caret:
Nobile sic fidei decus enitet atq̄ tuendum est,
Sic fidi nullus finis amoris erit.
Opto perpetuò vigeat Meglaburgica tellus
Desponsata fide Iustitiãq̄, D E O.*

B

Que

Quae te Christe sibi despondeat, alma vicissim
Optima qui sponsi nomina iure geris.
Et sacra Iustitiae, castis sacra moribus Arx sit:
Dona cui leta Pax tua fronte feras.
Quae iuuet ingenuas foueatq; fideliter artes
Et maneat Templum sancta domusq; DEI.

MELPOMENE.


VT Carbunculus anteit
Non splendore modo sed precio quoq;
Gemmis quas Oriens aequoribus procreat in
rubris.

Sic prestantia pectoris
Preponenda bonis corporis omnibus
Sint vel dona Mydae, nobile vel genus Herculis.
Est non vltima claritas
Stirpis laus, sed vbi nobilis arduae
Laus virtutis adest, tum decus & laus optima adest.
Sunt verè viri ij optimi
Quorum mens reliquis in clyta praenitens
Summo praereliquis multa pie grata facit DEO.
Nam virtutis inops opes
Inter qui celebri cretus origine est
Nummorum nitido possidet & sub lare plurimum
Vera à nobilitate abest
Plus quàm diues Iber diuite ab India,
A Iordane Padus, corniger à Danubio Tagus. Non

Non ergo genus aut opes
Verè nobilitant, vulgus vt aestimat,
Virtus est quæ homines sola potest reddere nobiles.
Hac Anchisiades fuit,
Et Laërtiades nobilis hac fuit,
Alcidesq; potens Hectoreæ telaq; dexteræ.
Nam merces solet optima
Virtus esse sibi, dum fouet optimos,
Extollitq; viros magnificis non sine honoribus.
Verùm maximus est bonos,
Summa est nobilitas esse Pium & Bonum,
Virtus prima DEVM nosse suiq; officij modum.
Ergo vos quoq; PRINCIPES
Proles semideum laus manet amplior:
In quos splendor honos lausq; cadit non modò stemmatis,
Virtutum modò nec chorus,
Qui multis etiam fulsit in Ethnicis:
Sed veri agnitio vera Dei, verus amor Dei,
Excellens bonitas, pius
Cum prudentia amor curaq; patriæ:
In mundo melius nostra quibus vita nihil videt.
Verè vos quoq; Nobiles
Præstantesq; VIRI, Consiliarij
HEROVM patriæ, vos medij pacis & ensuum,
Laus & gloria splendida
Æternumq; decus fama q; vos manet.

In quos nobilitas clara cadit non modò sanguinis:
Sed cordis pietas, vigor
Mentis, consilij copia, lingue honos
Doctrinæ decus, in patriam amor, curaq; proximi,
Hæc est NOBILITAS, facit
Quæ verè celebres, hæc solio sedens
Ceu Regina regit, Deo dante, rem bene publicam.

TERPSICHORE.

 Ptima de Patria præclare cura mereri
Maxima lausq; Ducum.
Hoc decus optandum est, hæc gloria vera Re-
Sic pater ut patriæ. (genti,
Marte potens quando Mars regnat, pacis amandæ
Tempore pacis amans.
Nutriat ardenti complettens pectore cœtum
Maxime Christe tuum.
Impia rejciat deliramenta sacrorum
Triste Baalis opus.
Aduocet in patriam Clarias sacra numina claro
Ex Helicone Deas.
Artibus ut pulcris virtutum semina plantent,
Req; fideq; colant.
Legis amans Legem sonet, & gerat aurea fidus
Sceptra vicesq; DEI.

Non

Non gladium frustra gestet Diuina potestas
Fasq; nefasq; videns.
Candida Pax & honesta quies & amica voluntas
Subdita corda beent.
Elicit vt rostro Pelicanus pectore guttas
Sanguinis ipse suo,
Et sua serpentis sufflato extincta veneno
Pignora viuificat:
Sic pro lege ferens & pro grege bella sit Heros
Vita salusq; suis.
Talis erat verè soboles Iesseia, talis
Abide natus erat.
Augustusq; potens & cui Constantia magno
Nomina magna dedit.
Alphon susq; pius, simul is qui dictus amorq;
Delicieq; hominum.
Eximias horum laudes & clara sequuntur
Facta decusq; Ducis:
Quos decorat Gryphes latè fulgentibus alis
Bucephaliq; caput.
Fortia facta mihi sunt quorum cognita: verum
Longa referre mora est.
Has igitur dabimus tibi docta Polymnia partes,
Tu quia voce vales.
Si tibi sic placeat, cen capì, per gito, idemq;
Carminis esto genus.

B 3

POLYM

P O L Y M N I A

Non referam prima repetens ab origine cuncta
Quae memorare queam.
Pauca tamen referam: Nosti Megalepolis ora
(Si meminisse velis,
Quae meminisse decet) sacra quae domicilia pestes
Antea polluerint.
Ut rudis & fidei fueris morumq; bonorum
Artis & ingenue.
Iam patriae patribus debes, quod certa salutis
Est via nota tibi.
Quodq; tibi varias Academia nota per oras,
Dans bona summa viget.
Quodq; gerens enssem dextra, lancemq; sinistra
Te Dea iusta regit.
Et sua dona Ceres pulcris redimita coronis
Sufficit alma tibi.
Quin etiam, externus si te Marte impetat hostis,
Sub iuga teq; vocet:
Sunt tibi, qui capiant pro Libertate tuenda
Fortiter arma, Duces.
Impia sphinx Latijs ad te cum serpsit ab oris
Lustra ter ante duo,
Quae latebris voluit, nebulisq; inuoluere priscis
Religionis opus.

Tum

Tum patriæ patres nitidi fulgentibus armis,
Pectore magnanimo,
Religionis opus, veram æternæq; salutis,
Quæ petit astra, viam,
Et Libertatis Germanæ nobile gentis
Afferuere decus.
O felix tellus, Superum cui gratia tales
Datq; fouetq; Duces:
Qui regere imperio populos belloq; togaq;
Tempus ad omne sciant.
His tecum Pylia Neleia fata senectæ
Faustaq; cuncta precor.
Tu reuerenter ama, tales reuerenter honora
Patria Terra Duces.
Te decet obsequium, decet obseruantia summis
Officiosa bonis.
Maxima laus patriæ, patriæ pia patribus ipsi &
Subdita quando DEO est.

CAL.

CAL LIO P E.

Audete ô populi beatiores,
O gaudete, frui potestis alma
Qui pace, atq; Duces benigniores
Et verè patriæ patres habetis.

PAX pulcherrima fulget inter omnes
Dinas: optima *PAX* salute plenis
Ornat res hominum beatq; dextris.

Pacis sunt comites suaviore,
Pacis sunt & alumnæ amiciores:

Veri Cognitio *DEI* atq; cultus,
Legesq; optimæ & Artium optimarum
Libertatis honosq; dignitasq;.

Infinita animæq; corporisq;

PAX confert bona: Nuptias, amores,
Prolem, diuitias, opes, honores,
Annonam, segetes, serena festa,
Plausus, letitiam, choros, quietem.

Gaudete ô populi beatiores,
O gaudete, frui potestis alma
Qui pace, atq; duces benigniores
Almæ & pacis amandæ amantiore
Vobis esse *DEI* benignioris
Almæ & pacis amandæ amantiore
Dono suspicitis datos, & omnem

Omni

Omni iure, fidemq; gratiamq;
Declaratis obedientiamq;
Illis & reuerenter omnem honorem.
Saluete Herulei Duces, Patroni
Iuris, lumina patriæ, salutem
Impertit quibus æthere è supremo
Rex supremus, eamq; vos vicissim
Impertitis amore subditorum
Ingenti populis benignitate:
Qui cum vos statuisse triste quiddam,
Res & iura iubent, soletis ipsi
Totis cordibus esse tristiores.
Pœnæ multa metu coërcuisse
Pœna, pauca, Duces decet benignos.
Non virtute alia DEO potestis
Æquari magis, & magis placere.
Hæc laus maxima Cesarum atq; Regum
Magnorumq; Ducum, omnium & regentum;
Hæc laus maxima consecrauit ipsum
AVGVSTI imperium, idq; gloriosum,
Augustumq; magis magisq; fecit.
Gaudete o populi beatiores.
O gaudete, frui potestis alma
Qui pace, atq; Duces benigniores
Et verè patriæ patres habetis.

C

ERA=

ERATO.



*Vnc valete ò classica Martis, & nunc
Vltimam Thulen Litui occupate:
Vos Chori, vos Gaudia, vos Lepôres
Semper adeste.*

*Patriæ Patres Patriam beârunt
Pace, iam CONCORDIA leta regnat,
PAX triumphat diuitibusq; palmis
Omnia ditat.*

*Finibus nostris procul i Simultas,
I pauens Formido, Eris i maligna:
Non locus vobis erit hîc, abite:*

Hic quid? Abite.

*Fronte sunt leta Charites reuerfa,
Subditos pulchro Charites Ducesq;
Vinculo iunxere & amore & almæ
Fœdere pacis.*

*Sit precor felix stabilisq; Pax hæc:
In DEO mens vna, fides sit vna
FRATRIBVS queis nil habet hæc duobus
Patria maius.*

*Mutua fratrum quia Charitate
Ipse letatur Deus, Angeliq; ;
Nil ea incundius orbe toto,*

Æthere toto.

VRA=

V R A N I A .

PAcis pater, Concor-
die
Dator, Deus mi-
tissime,

Potens pater, potens dator,
Tutela clemens omnium,
Qui principes qui subditos
Amoris, obseruantie
Concordieq; mutuo
Ligas & vnus vinculo
Letoq; presens omine
Clementer illos excipis,
Dum fausta cæli sydera
Caput serenum proferunt:
Que fata monstrant mitia,
Et fata tollunt tristia,
Et leta reddunt omnia.
Grates tibi non desinam
Non desinam laudes tibi
Et corde leta soluere,
Et voce leta dicere.
Oculi Regentes quod vident,
Auresq; subdite audiunt.
Est omne muneris tui.

Non absq; te sunt prospera
Statuta pacis fœdera:
Tu solus es pacis DEVS.
Tu das salutem regibus.
Tu das salutem subditis:
Qui mente pura te colunt.
Te quotquot hîc conuenimus
Toto precamur pectore
Vt Spiritu regas tuo
Et Principes & subditos,
Concordieq; fœdere
Ornes & aeterno aureæ
Amore pacis glutines,
Vultu benigno adaugeas
Potente dextra protegas
Gaudete gaudete ò pij
Vrbis Rosarum, dediti
Nobis Chori, hospites sacri,
Et hanc (vt est fas) candidam
Habete Februarij
Quotannis octauam diem
Primamq; Septembris bono
Vicesimam ortam sydere:
Hac, pax refulsit aurea,
Illaq; firma à patrie
Facta est benignè patribus.

Ob pacis omnes gaudium
Gaudete gaudete ordines:
Aduertit aures deditas
Rex pacis ad nostras preces:
Iam quisq. plectro dulcia
Tentet canoro carmina:
Pacis Deo sit gloria.

Adeste dulces Gratia
Adeste Pacis nunciae,
Latisq. dextris sumite
Latoq. nostris pectore
Hec danda patronis date,
Quae laeta mente fecimus
Nostris patronis munera:
Quos elegantioribus
Modis canemus postmodò.
Tum sanguis Heroum, genus
Illustre Regum, plurimi
A stirpe quorum fortibus
Armis togaq. splendidi
Orti fuere Principes,
Stabunt nitenti carmine.
Tum Rex PRIBislaus potens,
Tum BVREVIus inlytus,
Eiusq. proles inlyta
HENR Icus, & nati ipsius

Virtute praestantissimi,
Et caeteri Heroës erunt
Nobis celebrati amplius.
Tum VVALdemarum gloria,
(Rostochiae qui splenduit
Asylon vrbs & salus)
In celsa tollet sydera.
Clarumq. IOHANnem, decus
Patrij soli qui maximum
Academiã erigens Rosas
Hic inter, ALBERTIO simul
Opem ferente, Balhici
Oras celebres littoris
Septem & Triones optima
Fama sui implet nominis,
Horum sequens vestigia
Dux MAGnus Heros optimus
Auisq. vester, & Pater,
Et Patruus sunt laudibus
Dignissimi immortalibus.
Iam V O S paterno pectore
Sacrum fouentes ordinem
Scholasq. vitæ lumina,
Florem, decusq. Ecclesiae,
HEROAS optimos manet
Æterna laus & gloria.

TAlia cum letæ cecinissent ordine Musæ
Pax roseo letos addidit ore sonos:
O fortunatos Diuino munere, cernunt
Heruleo qui me cunq; vigere solo.

Aurea sum verè summi sata pectore patris:
Eius in excelsa sunt mea dona manu.

Qui semel atq; simul gentem sine corpore fecit
Angelicam, primæ nobile lucis opus:

Quo veluti muro mea munit regna, fideles
Dum socios lateri iungit vbiq; meo.

Me sine terra nihil, sine me nihil orbita cæli
Me sine nil hominum vita salutis habet.

Me regnante Scholæ plaudunt, Ecclesia psallit,
Pubica Res crescit, Curia leta viget.

Planto domos, vrbes foueo, deuincio regna
Mille potestates, munera mille fero.

Vos Patriæ Patres ego grato pectore laudo,
Non Bellona meas quòd fera vastet opes.

Sed quòd ego regnem, quòd vobis salua triumphem,
Quòd via tuta solo, quòd via tuta salo.

Gaudia nunc ò Vrbs cape, tristes exue curas,
Signaq; letitiæ da manifesta tuæ.

Machina nec solùm testetur abenea plausum,
Pendula nec solùm turribus æra sonent:

Sed tua corda sonent laudes nomenq; Tonantis
Cuius in arbitrio Bellaq; Paxq; sumus.

C 3


Martia


Martia Roma Dijs, venit cum Scipio felix,
Aras ante sacras debita sacra tulit.
Tu pia tu supplex sacris aduolueres templis
Præclare merito vota, solue D E O.
Ipsi etiam gratas toto dic pectore grates
Laurea quòd. lingua cesserit, arma togæ.
Igneus ipse fuit murus, fuit ignea turris,
Angelico textit te patriamq; choro.
Hoc habitare loco voluit sacer hæctenus, & vult
Post etiam clemens hoc habitare loco.
Ipsi igitur placuisse stude, constanter adhære,
Ipsi commenda teq; tuosq; Duces:
Quos quia vis præstans & mens generosior ornat
Diuinæ tanto plus bonitatis habent.
Sic reliquas supra virtutes eminent omnes
Clemens in summo mensq; benigna D E O.
Artibus ingenuis virtutum semina planta,
Aoniosq; choros officiosa foue.
Vrbibus hoc summum decus & pulcherrima laus est:
Cum sunt viuentis Tempa sacrata Dei.
Atria Iustitiæ morumq; Lycea bonorum,
Et placide ciues Curia iusta regit.
Hæc & plura quidem leta PAX aurea fronte
Edidit & Phæbus Pieridesq; nouem.
Quantus iò cultus, venerandæ quanta coronæ
Gratiæ? quàm præstans forma nitorq; fuit?

P A X

PAX fulgebat vti roseis Aurora capillis,
 Qualis vel Gnydiæ splendida stella Deæ.
 Quæq; pedes sistebat, erant violæq; rosæq;
 Dulces, ipso hyemis tempore, Veris opes.
 Corpore procedens reliquis excelsior ibat
 Magnus virginei duxq; decusq; chori.
 Cincta triumphali fulgebant tempora lauro,
 Ornabat niueos instita clara pedes.
 Andromachen oculis referebant, fronte Dianam,
 Mundicie Venerem, Cæsarie Hermionen.
 Non Hebe labris, non Iuno pulchrior vlnis,
 Indole non Pallas, non pede Thetys erat.
 Pars dulces citharas, pars cimbala leta mouebant,
 Addebat viuos Musica viua sonos.
 Non adeo Cygnus defecta suauia lingua
 Carmina dat Vates funeris ipse sui;
 Dulcisonas adeò voces nec Lesbia Sappho,
 Ediderit tales nulla Sibylla modos,
 Quos ego tam dulci potero modulamine nunquam
 Reddere, Pierij ceu voluere chori.
 At laus maior obedire est, quàm quærere laudem
 Ingenij vires extenuando sui.
 Quando voluntatem sincero in pectore promptam
 Mens generosa videt, quod cupit, omne videt.
 Splendidiore dabunt alij sua munera cultu,
 Pectore sed nemo candidiore dabit.

F I N I S.







Arduus huic astat **G R Y P H I S**, cui
 Ignea, quiq; refert alitis ora lou
 Candor inest, alis, exornat purpura p
 Cæruleus vestit colla animosa
 Robur habent unguis ad vim bellu
 Si vim, si bellum tempora re
 Talia virtutes comitata insigni
 Talia magnorum sunt mor
 Scilicet Heroum felici Marte p
 Immortale manet fortid
 In medio **CLYPEVS** pulch
 Ancilis lapsi cœlitus
 Hinc velut è cœlis sacrato
 Cineta nitet, factis
 Quin etiam dextra celebri
 Aureus in digitis
 Qui (si sacralicet myster
 Cætera, perpetu
 Testis enim signumq; I
 Et fidei & fid
 Splendidus vt puro,
 Ipsaq; forma
 Nobile, sic fidei dec
 Sic fidi nu
 Opto perpetuò v
 Despons
 nt
 um:
 ulgens
 A peplo
 is.
 etur
 V S orbe teres.
 bræter
 mur habet.
 s amorisq;
 potest.
 t annulus auro,
 fine caret:
 tuendum est,
 is erit.
 urgica tellus
 tiq; D E O.
 B



Que